

Na osnovu člana 12; 14. i 76. Zakona o građevinskom zemljištu Federacije Bosne i Hercegovine („Službene novine Federacije BiH“, broj: 25/03, 16/04 i 67/05), člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09) i člana 18. Statuta Općine Maglaj ("Službene novine Općine Maglaj", broj: 8/07; 3/08 i 6/08), Općinsko vijeće Maglaj na sjednici održanoj dana _____ godine, d o n o s i

ODLUKU

o izmjeni Odluke o građevinskom zemljištu općine Maglaj

Član 1.

U Odluci o građevinskom zemljištu općine Maglaj ("Službene novine Općine Maglaj", broj 04/19) u članu 7. u stavu 2. tekst pod V ZONA GRAĐEVINSKOG ZEMLJIŠTA – LIJEŠNICA, briše se.

Član 2.

Grafički prikaz granica prostornog obuhvata V zone građevinskog zemljišta Liješnica sačinjen na geodetskoj podlozi ne čini više sastavni dio Odluke o građevinskom zemljištu općine Maglaj ("Službene novine Općine Maglaj", broj 04/19).

Član 3.

Ova Odluka stupa na snagu osmog dana od dana objavljivanja u "Službenim novinama Općine Maglaj".

PREDSJEDAVAJUĆA OPĆINSKOG VIJEĆA
Svjetlana Zamboni

Obrazloženje uz Prijedlog Odluke o izmjeni Odluke o građevinskom zemljištu općine Maglaj

U Odluci o građevinskom zemljištu općine Maglaj ("Službene novine Općine Maglaj", broj 04/19) uočeno je da je u članu 7. u stavu 2. u kome je opis granica prostornog obuhvata građevinskog zemljišta po zonama, V zona građevinskog zemljišta - Liješnica obuhvata područje koje je već obuhvaćeno članom 64. i 65. iste Odluke kao poseban dio ostalog građevinskog zemljišta, i po članu 63. iste Odluke spada u VI zonu građevinskog zemljišta.

Shodno navedenom, sačinjen je Prijedlog Odluke o izmjeni Odluke građevinskom zemljištu općine Maglaj, koji dostavljamo Općinskom vijeću Maglaj na razmatranje i usvajanje.

Dostavljeno:

1. Naslovu
2. U spis



NAČELNIK OPĆINE

Mirsad Mahmutagić

Obrađivač:

Sadina Bašić, stručni savjetnik za imovinsko-pravne poslove

Faris Habibović, stručni saradnik za geodetske poslove

Kontrolor:

Fuad Hajrulahović, rukovodilac Službe za urbanizam, geodetske i imovinsko-pravne poslove